

Իմ թաղս





Այս աշխատանքին նպատակն է քննարկել «քաղքենիացում»-ի (gentrification) երեւոյթը: «Քաղքենիացում»-ը այն երեւոյթն է, որ քաղաքին կեդրոնը գտնուող թաղերուն մէջ ապրող համեստ դասակարգի բնակիչներուն փոխարէն՝ միջին եւ բարձր դասակարգերը կը տեղաւորուին: Այս ընթացքը ընդհանրապէս կը սկսի քաղաքի մը կեդրոնը եւ անոր շուրջը գտնուող «հինցած» բնակելի տարածքներու նորոգութեամբ, հոն ուր մինչ այդ՝ համեստ դասակարգը կը բնակէր: Նորոգութենէն ճիշդ առաջ եւ նորոգութեան ընթացքին կալուածներուն մեծամասնութիւնը ձեռք կը փոխէ: Այս հանգրուանին, թաղին հին բնակիչներուն մէկ մասը կը փոխադրուի քաղաքի կեդրոնէն հեռու տեղեր՝ աւելի մատչելի բնակարաններ: Նորոգութեան շարունակութիւնով եւ միջին ու բարձր դասակարգերու այստեղ հաստատուելով, թաղամասին նախկին հասարակական հիստուածքը արմատական փոփոխութեան կ'ենթարկուի: Այս հանգրուանին, կալուածներուն գիները եւ վարձքերը ընդհանրապէս կը բարձրանան: Բաղդատելով նախկինին՝ այստեղ մնացած հին թաղեցիներուն համար տնտեսական կեանքը հետզհետէ կը դժուարանայ, քանի որ իրենց շուրջը հիմա կը գտնուին աւելի սուղ խանութներ, շուկաներ եւ ճաշարաններ: Հետեւաբար հին բնակիչներուն այս մասն ալ կը ստիպուի հետզհետէ լքել թաղը: Տեղի ունեցածը մեծ մասամբ ակամայ/բռնի ընթացք մը ըլլալուն պատճառաւ, այս տեղափոխութիւնը կարելի է «տեղահանում» (displacement) կոչել: Քաղքենիացումը՝

աղքատներուն համար տեղահան ըլլալ,
քաղաքին կեդրոնէն հեռանալ եւ
կենցաղային բռնի փոփոխութեան
ենթարկուիլ կը նշանակէ: Միեւնոյն
ժամանակ՝ խնդրոյ առարկայ թաղերը իրենց
նախկին հիստուածքները կը կորսնցնեն:

Քաղաքներու փոփոխութեան/նորոգութեան
զանազան երեսակները նկատի առնելով,
այս աշխատանքին նպատակն է
գիտակցութիւն զարգացնել քաղքենիացումի
երեւոյթին շուրջ եւ քննարկել թէ ինչպէս
կարելի է աւելի արդար փոփոխութեան
ընթացք մը որդեգրել:

Քննարկումին պատրաստուելու համար, մասնակիցներուն թիւին
համապատասխան թղթիկներ պատրաստեցէք:

Քննարկումի հրահրիչ



Լուսանկար՝ <http://sneinton-alchemy.com/news/gentrification-notourproblem>

Վերի երկու լուսանկարները խմբակին ցույց տուեք, իսկ եթե կարելի է՝ ցուցադրեցե՛ք լուսարձակումով կամ թուղթերու վրայ տպուած ձեւով: Հետեւեալ հարցումը ուղղեցե՛ք. «Երեւակայեցե՛ք թէ կը բնակիք առաջին լուսանկարին մէջ ցույց տրուած թաղը: Կ'ընդունէի՞ք ձեր թաղին նորոգութիւնը երկրորդ լուսանկարին նման: Մասնակիցներէն «ուզողներ»ը մէկ կողմ, իսկ «չուզողներ»ը միւս կողմ խմբաւորեցե՛ք:

Մասնակիցներու ընտրութիւններէն ետք, իւրաքանչիւրը իր ընտրութեան պատճառը թող բացատրէ: Գաղափարներու փոխանակումի ընթացքին իրարմէ ազդուելով կողմ փոխել ուզող մասնակիցները թող ազատ զգան իրենց կողմը փոխելու:

Այդ միջոցին, նորոգութեան կողմնակիցներու թիւին համեմատ բաժնեցե՛ք ձեր պատրաստած թղթիկները: Քանի մը հատին վրայ աստղանշան մը դրէք, իսկ մնացեալը պարապ ձգեցե՛ք: Կարելի է նաեւ քննարկումէն առաջ թղթիկները (թէ՛ աստղանշանով, թէ՛ պարապ) աւելիով պատրաստած ըլլալ եւ քննարկումի ընթացքին պէտք եղած քանակութեամբ գործածել:

Բոլորին գաղափարները լսելէ ետք, նորոգութեան կողմնակիցներէն խնդրեցե՛ք որ մէկական թղթիկ քաշեն եւ բացատրեցե՛ք թէ «Թաղին նորոգութիւնը բազմաթիւ փոփոխութիւններու պատճառ եղած է»: (Խմբակին տարիքը եթէ յարմար է, հոս կարելի է աւելցնել «Թաղին տնտեսական վիճակը փոխուած է: Տուներուն մէկ մասը խանութի, սրճարանի, ճաշարանի, եւայլն... վերածուած է»:) «Նորոգուած թաղը միմիայն աստղանշան ունեցողները պիտի կարենան բնակիլ: Մնացեալը այլ տեղեր փոխադրուելու պարտաւոր պիտի ըլլայ: Ձեր տեղը, աստղ ունեցող ուրիշներ պիտի հաստատուին»: Պարապ թղթիկ ունեցող մասնակիցներէն խնդրեցե՛ք որ խումբէն զատուին եւ ուրիշ տեղ մը խմբուին: Հետեւեալ քննարկուելիք հարցումը հարցուցե՛ք:

Քննարկումի հարցում

Եթէ գիտնայիք որ նորոգութիւններէն ետք թաղեցիներուն մեծամասնութիւնը այլեւս պիտի չկարենայ հոն բնակիլ, ձեր գաղափարը կը փոխէի՞ք: Ինչո՞ւ:

Յղացական հարցադրումներ

- Ի՞նչպէս կ'ընթանայ քաղքենիացումի ընթացքը:

- Թաղի մը/շրջակայքի մը/փողոցի մը ֆիզիքական փոփոխությունը (կերպարանափոխությունը) միեւնոյն ժամանակ պատճառ կը դառնա՞յ ընկերային/դասակարգային կառոյցի փոփոխութեան:
- Քաղաքներու փոփոխությունը/նորոգությունը միշտ արդա՞ր ձեւով կը կատարուի:
- Քաղաքներու փոփոխությունը/նորոգությունը ի՞նչպէս պէտք է կատարուի, որպէսզի արդար ըլլայ:
- Փոփոխությունը/նորը միշտ լաւ/դրական, իսկ անփոփոխ մնալը/հինը միշտ վա՞տ/ժխտականա՞ն է:
- Փոփոխությունը ո՞ր պարագաներուն լաւ/դրական, ո՞ր պարագաներուն վատ/ժխտական կը նկատուի:
- Անփոփոխ մնալը ո՞ր պարագաներուն լաւ/դրական, ո՞ր պարագաներուն վատ/ժխտական կը նկատուի:

Հաւանական պատասխաններ

Մասնակիցներէն ոմանք դրությունը անարդար պիտի գտնեն: Ոմանք կրնան իրենց գաղափարը չփոխել, քանի որ աստղ մը ունին, ոմանք ալ կրնան նախընտրել հին թաղը շարունակել ապրիլ: Գալիք պատասխաններուն համեմատ քննարկումը կարելի է ընդլայնել հետեւեալ հարցումներով.

«Ո՞ր պարագային անհրաժեշտ կը դառնայ հին թաղի մը/փողոցի մը նորոգությունը: Ինչո՞ւ»:

«Ի՞նչ է տարբերությունը հին թաղի մը ու նորոգուած թաղի մը մէջ ապրելու միջեւ»:

«Ի՞նչ փոփոխութիւններու պատճառ կը դառնայ հին թաղի մը/փողոցի մը նորոգությունը անոր բնակիչներուն կեանքին մէջ»:

«Ի՞նչ է աստղ ունեցող եւ չունեցող անձերու միջեւ տարբերութեան համապատասխանը իրական կեանքի մէջ»:

«Եթէ դուք աստղ ունենայիք եւ սակայն ձեր սիրած դրացին չունենար եւ պարտաւոր մնար թաղէն հեռանալու, որքանո՞վ ձեր դիրքին վրայ կ'ազդէր այդ պատահարը»:

«Ձեր որոշումը կը փոխէի՞ք, եթէ աստղանիշով թղթիկ մը ունենայիք»:

«Ո՞ր պայմաններու տակ աւելի արդար կ'ըլլայ փոփոխությունը»: